

2002-06-16
kioskoa**Iban Arregi****Espainiako
«demokrazia»
eta gu**

Atzo 25 urte bete ziren Espainian frankismo osteko lehenengo hauteskundeak egin zirenetik. Urteurrenaz aritu ziren hainbat egunkari, eta «demokrazia» hitza hitzetik hortzera erabili zuten. **Abc** egunkariak «Zilarrezko eztei demokratikoak» titulua jarri zion atzoko editorialari. «Egungo demokrazian itzal bakarra» dagoela zioen egunkari horrek: «Euskal terrorismo separatista». Atzera begiratuta, Francoren diktadurari begi-keinu antzeko bat ere egin zion **Abc**-k: diktadura guztiak «ez-legitimoak» direla onartu arren, «haien eragin ekonomiko eta soziala» ez dela berdina zioen, «tiranía komunistek miseria ekonomiko handiagoa uzten dutelako, eta horrek trantsizioa zailtzen du». **El País**-ek ere egungo «demokrazia» azpimarratu zuen, baina duela 25 urte «ahal izan zena» bakarrik egin zela ere bazioen: «Ez zen arbel gaineko aparteko diseinurik izan, ez al daketarako motorrik, ezta espainiar herriaren portaera heroikorik ere». **El Mundo**-ren arabera, «egungo errealtateak itxaropen baikorrenak gainditu ditu». Egunkari horretan bertan, Martin Prietok zioen euskal nazionalismoak «traizioa» egin duela, «duela 25 urte hura gustura uzteko egin zen guztia egin eta gero». **Deia**-k «duela 25 urte egindako aurrerapausoa» azpimarratu zuen atzoko editorialean, baina baita «gure herriarentzako oinarritzakoak diren auziek konpontzeke» segitzen dutela ere. «Testuiguru honetan, etorkizunera begira, euskal herritarrak erabakiko du, libreki eta demokratikoki, zein izango den bere jomuga politikoa», zioen **Deia** egunkariak.

Egunkaria 3.579. zenbakia**Ohorezko Lehendakaria:** Martin Ugalde**Administratzaile Kontseiluko Lehendakaria:** Joan Mari Torrealdai**Kontseilari Ordezkarria:** Iñaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoia Sanz**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com**id** Batzorde Parekidea. 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35,
64100 Baiona Tel.: 559593575 Faxa: 559257511**balkoia****Martxelo Otamendi****Biharamuna****ETORKIZUNA****Nola aktibatu atzo Bilboko
kaleetan duintasun
demokratikoa eskatu zutenak?****EUSKALDUNEN EPAIKETAK****Zer egin dezake deliturik egin
ez eta bermerik gabe epaituko
dutela ikusten duenak?**

Atzo arratsaldean Bilboko kaleetan Batasuna legez kanpo uzteko asmoaren eta legearen aurka bildu ziren milaka lagunek hori baino askoz gehiago ere eskatu zuten: Batasunak eta berak osatzen duen esparru soziopolitikoa babesik gabe ez uztea, ezta manifestazioaren ondorengo hilabeteetan.

Hori izan bailiteke Batasunari gerta dakioken okerreña, hau da, milaka lagun kaleratzea haiei babesa, zuzena edo zeharka, eskaintzeko, eta hurrengo egunean denak ahaztea etorkizun hurbilean gertatuko denaz.

Biharamuneko lana

Espainiako Gobernuaren eta haren asmoarekin bat egiten duten gainerako alderdi *demokraten* asmoa argia da. Ezker abertzalea suntsitu nahi dute eta eremu politikotik bota, gatazkatik irteke proposamenik egiteko modu eta aukerarik izan ez dezan. Nork egingo dio arreta legez kanpo dagoen talde baten proposamenari? Baina Batasuna legez kanpo uzteak ez dio giza talde horri bakarrik kalte egiten, Euskal Herria uzten du aukera politikoa hori gabe, denon aurrean gezurretako egoera eta mapa politikoa irudikatuz.

Horregatik da garrantzitsua Bilboko kaleetara atzoko jendetza biltzeko gaitasuna erakutsi duten gizarte eragile politiko, sozial eta sindikalek ahalegin horretan segitzea. Osasun politikoa-rengatik, duintasun demokratikoa-

tik, eta operazio horretan, ez horretan bakarrik baina horretan ere bai, gure herriaren hurrengo urteetako etorkizuna jokoan dagoelako.

Eta horrekin nahikoa ez daukana kezka dadila bere buruarekin. Ezker abertzalearen *kanpo-ezkuturik* gabe, errazagoa izango da Madrilentzat beste alderdi abertzaleei erasotzea. Ez delako Madril geratuko Batasunarekin. Beste era batekoa izan liteke, ez seguru aski ilegalizazioaren bidetik, baina, itxura guztiaren arabera, denontzat izango da.

Oker dabilta pentsatzen dutenak, azken asteotan *bai baina ez* ibili direnak horiek berak, Batasunaren kasuan leun ibiltzeak babestu egingo dituela Madril enasoetatik.

Duintasun demokratiko hori nola aktibatu hitzartzea ez da erraza izango. Azken urteotan abertzaleen artean dagoen komunikazio faltari begiratu besterik ez dago zailtasun horretaz jabetzeko. Giza eskubideak hitzetik hortzera darabilten zenbaitek aukera paregabea daukate aldarrikapen hori *pose* bat ez dela erakusteko, eta bere eskubide politikoak urratuta ikusiko dituzten herritarren alde lan egiteko. Gauza bat baita Ghandi aldarrikatzea, eta beste bat, zailagoa bistan da, eskubideen defentsan jardutea.

Abril afera

Bere eskubideak neurrigabe urratuta ikusi dituen Jon Abril kazetaria izan da. Espainiako Auzitegi Nazionalen berme judizialik ez dagoelako, egin ez duen delitu bategatik kondena negoziatu behar izan du aste honetan.

Deliturik egin ez, eta ustezko delitu horregatik epaitu behar zuen tribuna-laren osaketa eta curriculuma ikusita, aukera handia zegoen epaiketa galduta kondena jasotzeko. Zer indefentsio egoeratan dago deliturik egin ez eta epaiketa justu bat egingo ez diotela ikusten duena? Non dago muga, noraino irits gaitezke bide horretatik?

Noiz arte segitu behar dugu «utz diezaiegun epailei haien lana egiten», «itxaron dezagun epaileen erabakia jakin arte» eta antzekoak esaten, epaitegi horietan euskaldunekin egiten direnak jakinda?

martintxo